



АКАФИСТ  
СПИРИДОНУ  
ТРИМИФУНТСКОМУ

## КОНДАК 1.

ПРЕПРОСЛАВЛЕННЫЙ ОТ ГОСПОДА СВЯТИТЕЛЮ И  
ЧУДОТВОРЧЕ СПИРИДОНЕ! НЫНЕ ВСЕЧЕСТНУЮ ПАМЯТЬ  
ТВОЮ ПРАЗДНУЮЩЕ, ЯКО МНОГО МОГУЩЕМУ  
СПОСПЕШЕСТВОВАТИ НАМ О ПРОСЛАВЛЫШЕМ ТЯ ХРИСТЕ,  
УМИЛЬНО ВОПИЕМ ТИ: ИЗБАВИ НАС ОТ ВСЯКИХ БЕД И  
ЗОЛ, ДА С БЛАГОДАРЕНИЕМ ЗОВЕМ ТИ:  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

## ИКОС 1.

ОТ ЮНОСТИ УКРАШЕННЫЙ ВСЕМИ ДОБРОДЕТЕЛЬМИ,  
ЖИТИЕМ СВОИМ АНГЕЛОМ ПОДРАЖАВЫЙ, ТЫ,  
СВЯТИТЕЛЮ СПИРИДОНЕ, ВОИСТИННУ ПОКАЗАЛСЯ ЕСИ  
ДРУГ ХРИСТОВ;

МЫ ЖЕ, ЗРЯЩЕ ТЯ, НЕБЕСНАГО ЧЕЛОВЕКА И ЗЕМНАГО  
АНГЕЛА, СО БЛАГОГОВЕНИЕМ УМИЛЬНО ВОПИЕМ ТИ:  
РАДУЙСЯ, УМЕ, СОЗЕРЦАЯЙ ТАЙНЫ ПРЕСВЯТЫЯ ТРОИЦЫ;  
РАДУЙСЯ, ОБОГАТИВЫИСЯ ДУХА ПРЕСВЕТЛЫМ  
ОСИЯНИЕМ.

РАДУЙСЯ, СВЕТИЛЬНИЧЕ МНОГОСВЕТЛЫЙ;  
РАДУЙСЯ, УМ ТВОЙ БЕЗСТРАСТИЕМ ПРОСВЕТИВЫЙ.  
РАДУЙСЯ, ИЗМЛАДА ИСТИННУЮ ПРОСТОТУ И БЕЗМОЛВИЕ  
ВОЗЛЮБИВЫЙ;  
РАДУЙСЯ, УКРАШЕНИЕ ЦЕЛОМУДРИЯ.

РАДУЙСЯ, ЛЮБВЕ НЕИСТОЩИМАЯ СТРУЯ;  
РАДУЙСЯ, ЯКО СТРАННОЛЮБИЮ АВРААМА ПОДРАЖАЛ ЕСИ.  
РАДУЙСЯ, ЯКО ВСЕМ ЛЮБВЕОБИЛЬНО ВХОДЫ ДОМА  
СВОЕГО ОТВЕРЗАЛ ЕСИ;  
РАДУЙСЯ, НИЩИХ ПРЕСТАТЕЛЮ.

РАДУЙСЯ, ПРЕД НИМЖЕ БЛАГОГОВЕЮТ ЛЮДИЕ;  
РАДУЙСЯ, ЯКО ТЫ ЕСИ ОБИТАЛИЩЕ ПРЕСВЯТАГО ДУХА.

РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

## КОНДАК 2.

ВІДЯЩЕ О́СТРОВ КІПР И ВСЯ ХРИСТИА́НСКІЯ СТРА́НЫ  
НЕТЛѐННЫЯ МО́ЩИ ТВОЯ́, СВЯТИТЕ́ЛЮ, ОТ НИ́ХЖЕ  
ИСТЕКА́ЮТ ОБИ́ЛЬНАЯ ИСЦЕЛѐНІЯ, ВОЗРА́ДОВАШАСЯ; И  
МЫ, ПОЧИТА́ЮЩЕ ТЯ́ ЯКО ПРЕОБИ́ЛЬНАГО ИСТО́ЧНИКА  
БЛАГОДА́ТИ, НИЗПО́СЛАННАГО СВѐШЕ НА́М, ВОПИѐМ К  
ВЕРХО́ВНОМУ ПОДА́ТЕЛЮ НЕБѐСНЫХ И ЗЕМНѐХ БЛА́Г:  
АЛЛИЛУ́ИА.

## ЎКОС 2.

РА́ЗУМ БОЖѐСТВЕННЫЙ ИМѐЙ, А́ЩЕ СЫ́Й ПА́СТЫРЬ  
БЕЗСЛОВѐСНЫХ ОВѐЦ, ТЫ́ ПРОИЗВОЛѐНИЕМ  
ПА́СТЫРЕНАЧА́ЛЬНИКА ХРИСТА́ ИЗБРА́Н БЫ́Л ЕСИ́ В  
ПА́СТЫРЯ ОВѐЦ СЛОВѐСНЫХ.  
ВѐРНИИ ЖЕ, РАЗУМѐВШЕ ТЯ́ ДО́БРАГО ПА́СТЫРЯ,  
НЕУСЫ́ПНО О СТА́ДЕ СВОѐМ ПЕКУ́ЩАГОСЯ, ВОСПЕВА́ХУ:  
РА́ДУЙСЯ, АРХИЕРѐЕ БО́ГА ВѐШНЯГО, В ХИРОТОНІИ  
ВОСПРІЯВЫ́Й ОБИ́ЛЬНО БОЖѐСТВЕННУЮ БЛАГОДА́ТЬ;  
РА́ДУЙСЯ, СВЕТИ́ЛЬНИЧЕ МНОГОСВЕ́ТЛЫЙ, ГОРЯ́Й И  
СВЕТА́Й.  
РА́ДУЙСЯ, ВѐРНЫЙ ДѐЛАТЕ́ЛЮ В ВЕРТОГРА́ДЕ ХРИСТО́ВОМ;  
РА́ДУЙСЯ, ПА́СТЫРЮ, НА ПА́ЖИТИ ВѐРЫ И БЛАГОЧѐСТІЯ  
ПА́СТВУ СВОЮ́ ВОСПИТА́ВЫЙ.  
РА́ДУЙСЯ, СИЯ́НЬМИ ДОБРОДЕ́ТЕЛЕЙ ТВОИ́Х МІР  
ПРОСВЕЩА́ВЫЙ;  
РА́ДУЙСЯ, ПРЕСТО́ЛУ ХРИСТО́ВУ БОЖѐСТВЕННУЮ ЖѐРТВУ  
ПРИНОСИ́ВЫЙ.  
РА́ДУЙСЯ, ИЕРА́РШЕ, РАЗУМѐНИЕМ ПРАВОСЛА́ВІЯ  
УКРАШѐННЫЙ;  
РА́ДУЙСЯ, АПО́СТОЛЬСКАГО УЧѐНІЯ ИСПО́ЛНЕННЫЙ,  
ВѐРНЫХ СТРУ́ЯМИ СПАСИ́ТЕЛЬНАГО УЧѐНІЯ НАПАЯ́Й.  
РА́ДУЙСЯ, ЯКО И МУ́ДРЫХ ОЗАРИ́Л ЕСИ́;  
РА́ДУЙСЯ, ЯКО И ПРОСТѐХ СЕРДЦА́ ОБНОВИ́Л ЕСИ́.  
РА́ДУЙСЯ, СЛА́ВО ПРАВОСЛА́ВНЫХ И ЦѐРКВЕ  
НЕПОКОЛЕБИ́МОЕ УТВЕРЖДѐНІЕ;  
РА́ДУЙСЯ, УКРАШѐНІЕ ОТЦѐВ, СЛА́ВО И ПОХВАЛО́ ИЕРѐЕВ  
БЛАГОГОВѐЙНЫХ.  
РА́ДУЙСЯ, СПИРИДО́НЕ, ПРЕДИ́ВНЫЙ ЧУДОТВО́РЧЕ.

### КОНДАК 3.

СИЛОЮ ВЫШНЯГО, ОСЕНИВШЕЮ ТЯ, СВЯТИТЕЛЮ  
СПИРИДОНЕ, БОГОМУДР ТЫ ПОКАЗАЛСЯ ЕСИ И, СЖАВШИ  
ДЛАНИЮ ГЛИНУ, ТРОИЧНОСТЬ ЛИЦ ВСЕМ ОЧЕВИДНО  
УЯСНИЛ ЕСИ; ТЕМЖЕ ЛЖЕМУДРИИ ФИЛОСОФИ,  
СОБРАВШИИСЯ НА СОБОРЕ, УЖАСОШАСЯ, ВЕРНИИ ЖЕ  
НЕПОСТИЖИМАГО ПРОСЛАВИША БОГА, УМУДРИВШАГО ТЯ  
ВО СПАСЕНИЕ, ВОПИЮЩЕ ЕМУ: АЛЛИЛУИА.

### ИКОС 3.

ИМЕЮЩЕ ТЯ В ПОМЫШЛЕНИЯХ СВОИХ ВСИ ОТЦЫ СОБОРА  
ПРОСТА, НЕИСКУСНА В КНИЖНОМ УЧЕНИИ, МОЛИША ТЯ,  
ОТЧЕ СПИРИДОНЕ, НЕ ПРЕПИРАТИСЯ СЛОВЕСЫ С  
ВИТИЕЮ, МНЯЩИМСЯ МУДРУ БЫТИ.

ТЫ ЖЕ, СВЯТИТЕЛЮ, РЕВНОСТИЮ ПО БОЗЕ  
РАСПАЛЯЕМЫЙ, ВЕРУЯ, ЯКО ПРОПОВЕДЬ ХРИСТОВА НЕ В  
ПРЕПРЕТЕЛЬНЫХ МУДРОСТИ ЧЕЛОВЕЧЕСКИЯ СЛОВЕСЕХ,  
НО В ЯВЛЕНИИ ДУХА И СИЛЫ, ПРЕМУДРЕ ТОГО ОБЛИЧИВ,  
ВРАЗУМИЛ И НА ПУТЬ ИСТИННЫЙ НАСТАВИЛ ЕСИ.

ВСИ, ВИДЕВШЕ ЧУДО СИЕ, ВЗЫВАХУ:

РАДУЙСЯ, СВЕТЕ ПРАВОСЛАВНЫЯ МУДРОСТИ;

РАДУЙСЯ, ЯКО ГЛАГОЛЕМЫХ БЫТИ МУДРЫХ  
СОВОПРОСНИКОВ ПОСРАМИЛ ЕСИ.

РАДУЙСЯ, ИСТОЧНИЧЕ, БЛАГОДАТИЮ ОБИЛЬНЫЙ;

РАДУЙСЯ, НЕПОКОЛЕБИМЫЙ СТОЛПЕ, ТВЕРДО  
СОДЕРЖАЩИЙ СУЩИХ В ВЕРЕ.

РАДУЙСЯ, ОМРАЧАЯЙ ВСЕПАГУБНУЮ ЕРЕСЬ;

РАДУЙСЯ, ЧРЕЗ НЕГОЖЕ ПОПРАНО БЫСТЬ БЕЗУМИЕ.

РАДУЙСЯ, ЯКО ПЕРСТЬ ЗЕМНАЯ ПРОПОВЕДА ТВОИМА  
РУКАМА СВЯТУЮ ТРОИЦУ;

РАДУЙСЯ, ЯКО ИЗ ГЛИНЫ ИЗВЕЛ ЕСИ ОГНЬ И ВОДУ ВО  
УТВЕРЖДЕНИЕ ДОГМАТА СВЯТЫЯ ТРОИЦЫ.

РАДУЙСЯ, ЯКО ПРОСВЕТИЛ ЕСИ ЛЮДИ СЛАВИТИ СЛОВО,  
ВОИСТИННУ ЕДИНОСУЩНОЕ ПРЕБЕЗНАЧАЛЬНОМУ ОТЦУ;

РАДУЙСЯ, ЯКО ЗМИЕВУ ГЛАВУ ПАГУБНЫЯ АРИЕВЫ ЕРЕСИ  
ПОРАЗИЛ ЕСИ.

РАДУЙСЯ, ЯКО ТОБОЮ ПОЖЕРТА БЫСТЬ ЗЛОБА;

РАДУЙСЯ, НЕВЕРНАГО МУДРЕЦА СОВОПРОСНИКА К  
ИСТИННОЙ ВЕРЕ ОБРАТИВЫЙ.

РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

#### **КОНДАК 4.**

ЖИЗНЬ ПРОВОДЯ В УБОЖЕСТВЕ И НИЩЕТЕ, НИЩИМ И  
БЕДНЫМ БЫЛ ЕСИ ПИТАТЕЛЬ И ПОМОЩНИК И, ЛЮБВЕ  
РАДИ К НИЩИМ, ЗМЯЯ В ЗЛАТО ПРЕЛОЖИЛ ЕСИ И ДАЛ  
ЕСИ ОНОЕ ТРЕБУЮЩЕМУ ТВОЕЯ ПОМОЩИ.

ДИВЯЩЕСЯ О ЧУДЕСИ СЕМ, БЛАГОДАРСТВЕННО ВОПИЕМ К  
БОГУ: АЛЛИЛУИА.

#### **ИКОС 4.**

СЛЫШАНО БЫСТЬ ВСЕМ И ВСЮДУ, ЯКО СВЯТИТЕЛЬ  
СПИРИДОН ВОИСТИННУ ЕСТЬ ЖИЛИЩЕ СВЯТЫЯ ТРОИЦЫ:  
ВСЕЛИСЯ БО В НЕМ БОГ ОТЕЦ, БОГ СЛОВО И БОГ ДУХ  
СВЯТЫЙ.

СЕГО РАДИ ТЫ СЛОВЕСИ И ДЕЯНЫМИ ПРОПОВЕДАЛ ЕСИ  
ВСЕМ ХРИСТИАНОМ ВОПЛОЩЕННАГО ИСТИННАГО БОГА,  
ВОПИЮЩИМ:

РАДУЙСЯ, СЛОВЕС БОЖИИХ ТАИННИЧЕ;

РАДУЙСЯ, ДОМОСТРОИТЕЛЬСТВО БОЖИЕ О СПАСЕНИИ  
МИРА УЯСНИВЫЙ.

РАДУЙСЯ, ЯКО НАУЧИЛ ЕСИ НЕ ИСПЫТОВАТИ ЕЖЕ ЕСТЬ  
ПРЕВЫШЕ РАЗУМА И МУДРОСТИ ЧЕЛОВЕЧЕСКИЯ;

РАДУЙСЯ, НЕПОСТИЖИМУЮ ДЕЙСТВУЮЩУЮ В ТЕБЕ СИЛУ  
БОЖИЮ ЯВИВЫЙ.

РАДУЙСЯ, ЯКО УСТАМИ ТВОИМИ ПРОВЕЩА САМ БОГ;

РАДУЙСЯ, ЯКО ВСИ ПОСЛУШАХУ ТЕБЕ В СЛАДОСТЬ.

РАДУЙСЯ, МГЛУ ИДОЛОСЛУЖЕНИЯ РАЗГНАВЫЙ; РАДУЙСЯ,  
ЯКО МНОГИХ К ИСТИННОЙ ВЕРЕ ПРИВЕЛ ЕСИ.

РАДУЙСЯ, ЯКО ГЛАВЫ НЕВИДИМЫХ ЗМИЕВ ПОРАЗИЛ ЕСИ;  
РАДУЙСЯ, ЯКО ТОБОЮ ПРОСЛАВЛЯЕТСЯ ВЕРА  
ХРИСТИАНСКАЯ.

РАДУЙСЯ, ЯКО СВЕТЛО ОЗАРЯЕШИ ВСЕХ УБЛАЖАЮЩИХ  
ТЯ; РАДУЙСЯ, ПОБОРНИЧЕ ХРИСТИАНСКИЯ ВЕРЫ И  
ПРАВОСЛАВИЯ.

РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

## КОНДАК 5.

БОЖЕСТВЕННАГО ДУХА ПРЕИСПОЛНЕН БЫЛ ЕСИ,  
СВЯТИТЕЛЮ СПИРИДОНЕ, РАДИ ДОБРОДЕТЕЛЬНОГО  
ЖИТИЯ ТВОЕГО; ЗА НЕ КРОТОК, МИЛОСТИВ, ЧИСТ  
СЕРДЦЕМ, ТЕРПЕЛИВ, НЕПАМЯТОЗЛОБИВ,  
СТРАННОЛЮБЕЦ БЫЛ ЕСИ: СЕГО РАДИ ТВОРЕЦ И В  
ЧУДЕСЕХ ПРЕСЛАВНА ПОКАЗА ТЯ. МЫ ЖЕ, ПРОСЛАВЛЯЯ  
БОГА, ПРОСЛАВЛЫШАГО ТЯ, ВОПИЕМ ЕМУ: АЛЛИЛУИА.

## ИКОС 5.

РАВНОАНГЕЛЬНА СПИРИДОНА ЗРИМ, ВЕЛИКАГО  
ЧУДОТВОРЦА.  
НЕКОГДА СТРАНА ОТ БЕЗДОЖДИЯ И ЗАСУХИ ВЕЛМИ  
ПОСТРАДА: БЫСТЬ ГЛАД И ЯЗВА, И МНОГОЕ МНОЖЕСТВО  
ЛЮДЕЙ УМРОША, МОЛИТВАМИ ЖЕ СВЯТИТЕЛЯ СНИДЕ С  
НЕБЕСЕ НА ЗЕМЛЮ ДОЖДЬ; ЛЮДИЕ ЖЕ, ИЗБАВЛЫШЕСЯ ОТ  
БЕДСТВИЯ, БЛАГОДАРСТВЕННО ВЗЫВАХУ:  
РАДУЙСЯ, ВЕЛИКОМУ ПРОРОКУ ИЛИИ УПОДОБИВЫЙСЯ;  
РАДУЙСЯ, ЯКО ДОЖДЬ, ОТЪЕМЛЮЩИЙ ГЛАД И НЕДУГИ,  
БЛАГОВРЕМЕННЕ НИЗВЕЛ ЕСИ.  
РАДУЙСЯ, ПАКИ МОЛИТВАМИ СВОИМИ НЕБО  
ЗАКЛЮЧИВЫЙ;  
РАДУЙСЯ, ЯКО НЕМИЛОСЕРДАГО КУПЦА ЛИШЕНИЕМ  
ИМЕНЯ НАКАЗАЛ ЕСИ.  
РАДУЙСЯ, ЯКО ТРЕБУЮЩИМ ПИЩУ ОБИЛЬНО ДАРОВАЛ  
ЕСИ;  
РАДУЙСЯ, ЯКО ЛЮБОБЛАГОУТРОБИЕ БОГА К ЛЮДЕМ  
ПОДВИЗАЕШИ.  
РАДУЙСЯ, ВЗЕМЛЯИ НЕМОЩИ НЕМОЩНЫХ;  
РАДУЙСЯ, БОГОБЛАГОДАТНЫЙ ЧЕЛОВЕКОМ ПОМОЩНИЧЕ.  
РАДУЙСЯ, БОЛЯЩИМ ЗДРАВЬЕ ПОДАВАЯИ;  
РАДУЙСЯ, ЕГОЖЕ ТРЕПЕЩУТ ДЕМОНИ.  
РАДУЙСЯ, БЕЗЧИСЛЕННЫХ ЧУДЕС ИСТОЧНИЧЕ.  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

## КОНДАК 6.

ЗАВЕСА ВЕТХОЗАВЕТНОЙ СКИНИИ ЗАКРЫВАШЕ ВО СВЯТЯЯ СВЯТЫХ КОВЧЕГ, МАННУ И СКРИЖАЛИ. И ХРАМ ТВОЙ, СВЯТИТЕЛЮ СПИРИДОНЕ, ИМЕЕТ РАКУ ТВОЮ, ЯКО КОВЧЕГ, СВЯТЫЯ МОЩИ ТВОЯ, ЯКО МАННУ, СЕРДЦЕ ТВОЕ, ЯКО СКРИЖАЛИ БОЖЕСТВЕННЫЯ БЛАГОДАТИ, НА НИХЖЕ ЗРИМ НАЧЕРТАННУЮ ПЕСНЬ: АЛЛИЛУИА.

## ИКОС 6.

НАРОД КИПРА НЕКОГДА ЗА УМНОЖЕНИЕ БЕЗЗАКОНИЙ НАКАЗА ГОСПОДЬ БЕЗПЛОДИЕМ ЗЕМЛИ, ЕГДА ЖЕ ПРИЙДЕ К СВЯТОМУ СПИРИДОНУ ЗНАЕМЫЙ ЗЕМЛЕДЕЛЕЦ, ПРОСЯ ПОМОЩИ, ДАДЕ ЕМУ СВЯТЫЙ ЗЛАТО;

МИНУВШУ ЖЕ БЕДСТВИЮ, ЗЕМЛЕДЕЛЕЦ ОНЫЙ ВОЗВРАТИ ПАКИ ЗЛАТО. И – О ЧУДЕСЕ! – ЗЛАТО ЗМИЙ БЫСТЬ. ПРОСЛАВЛЯЮЩЕ БОГА, ДИВНАГО ВО СВЯТЫХ СВОИХ, ВОПИЕМ:

РАДУЙСЯ, ЯКО МОИСЕЮ, ЧУДЕСНО ПРЕЛОЖИВШЕМУ ЖЕЗЛУ В ЗМИЯ, ПОДРАЖАЛ ЕСИ;

РАДУЙСЯ, ЧЕЛОВЕКОЛЮБИВЫЙ ПАСТЫРЮ, ИЗБАВЛЯЯИ ОТ БЕД СЛОВЕСНЫЯ ОВЦЫ СТАДА СВОЕГО.

РАДУЙСЯ, ОБИЛЬНО ВСЕХ ВСЕМИ БЛАГАМИ ОБОГАЩАЯИ;

РАДУЙСЯ, ЯКО ИЛИЯ, БЕДНЫХ ПИТАВЫИ.

РАДУЙСЯ, НЕМИЛОСЕРДЫХ К МИЛОСЕРДИЮ ОБРАЩАЯИ;

РАДУЙСЯ, ДОСТОПОДРАЖАЕМЫИ ПРИМЕР ЛЮБВЕ ДЛЯ ЧЕЛОВЕКОВ, В МИРЕ ЖИВУЩИХ.

РАДУЙСЯ, ВЕРНЫХ И НЕВЕРНЫХ В БЕДАХ УТЕШЕНИЕ;

РАДУЙСЯ, ДРЕВО СЕННОЛИСТВЕННОЕ, ГРАД И СТРАНУ ОСЕНЯЮЩЕЕ.

РАДУЙСЯ, СЛАВО И ПОХВАЛО КЕРКИРЯН;

РАДУЙСЯ, НАД ВЛАГОЮ И СУШЕЮ, ЗНОЕМ И ХЛАДОМ БЛАГОДАТИЮ БОЖИЕЮ ВЛАДЫЧЕСТВУЯИ.

РАДУЙСЯ, УСТАВЫ ЗЕМЛИ МОЛИТВОЮ ПРЕМЕНЯЯИ;

РАДУЙСЯ, БУДУЩАЯ, ЯКО НАСТОЯЩАЯ, ПРОВИДЕВЫИ.

РАДУЙСЯ, СПИРИДОНЕ, ПРЕДИВНЫИ ЧУДОТВОРЧЕ.

## КОНДАК 7.

ХОДАТАЙ ПРѢД ГОСПОДЕМ ЗА ВСѢХ ЯВИЛСЯ ЕСИ,  
СВЯТИТЕЛЮ СПИРИДОНЕ: СЕГО РАДИ И МЫ ПРИБЕГАЕМ  
ПОД КРОВ ТВОЮ, ИЩУЩЕ СПАСЕНИЯ, ВСИ БО  
ПОМОЩНИКА ТЕБѢ ИМАМЫ ВО ВСѢХ НУЖДАХ, ВО ВРЕМЯ  
ГЛАДА, СМЕРТОНОСНЫЯ ЯЗВЫ И ВО ВСЯ ГОДИНЫ БЕД И  
ИСКУШЕНИЙ. СЕГО РАДИ БЛАГОДАРСТВЕННО ВОПИЕМ  
БОГУ: АЛЛИЛУИА.

## ИКОС 7.

НОВОЕ ЧУДО ВИДИМ И БОГОЛЕПНОЕ: ЕГДА ТЫ, ОТЧЕ,  
ШЕСТВОВАЛ ИЗБАВИТИ НЕПОВИННО ОСУЖДЕННАГО НА  
СМЕРТЬ, БУРНЫЙ ПОТОК ПРЕГРАДИ ПУТЬ ТЕБЕ;  
ТЫ ЖЕ ИМЕНЕМ ВСЕМОГУЩАГО БОГА ПОВЕЛЕЛ ЕМУ СТАТИ  
И ПРЕШЕЛ ЕСИ СО СПУТНИКИ ЧРЕЗ РЕКУ, ЯКО ПО СУХУ.  
СЛАВА О СЕМ ЧУДЕСИ РАСПРОСТРАНИСЯ ВСЮДУ, И ВСИ  
ПРОСЛАВИША БОГА, ВОПИЮЩЕ К ТЕБЕ:

РАДУЙСЯ, ЯКО ИНОГДА ИИСУС НАВИН ЧРЕЗ ИОРДАН РЕКУ  
ПО СУХУ ПРЕШЕДЫ;

РАДУЙСЯ, РЕЧНАЯ УСТРЕМЛЕНИЯ ГЛАСОМ СВОИМ  
УКРОТИВЫЙ.

РАДУЙСЯ, ЯКО ТРУДНЫЙ ПУТЬ ПРЕДПРИЯЛ ЕСИ,  
ДВИЖИМЫЙ МИЛОСЕРДИЕМ;

РАДУЙСЯ, ЯКО КЛЕВЕТУ РАЗРУШИЛ ЕСИ И НЕПОВИННАГО  
ОТ УЗ ТЕМНИЦЫ И НАПРАСНЫЯ СМЕРТИ ИЗБАВИЛ ЕСИ.

РАДУЙСЯ, ЖИЗНИ ПО БОЗЕ БЛАГИЙ ПОСПЕШНИЧЕ;

РАДУЙСЯ, НЕПОВИННО УГНЕТЕННЫХ ЗАЩИТИТЕЛЮ.

РАДУЙСЯ, УСТАВОВ ЕСТЕСТВА ВОДНАГО ПРЕМЕНИТЕЛЮ;

РАДУЙСЯ, ЯКО СУДИЮ ВРАЗУМИЛ ЕСИ И ОТ УБИЙСТВА  
СПАСЛ ЕСИ.

РАДУЙСЯ, ИСТИННОЕ ИСПРАВЛЕНИЕ ДУШ;

РАДУЙСЯ, ДИВНАЯ СИЛО, ПОТОКИ УДЕРЖАВАЮЩАЯ.

РАДУЙСЯ, УСЛАЖДАЮЩИЙ СЕРДЦА ЧЕЛОВЕКОВ, К ТЕБЕ  
ПРИТЕКАЮЩИХ;

РАДУЙСЯ, ЧЕЛОВЕКОЛЮБИЮ АВРААМА ПОДРАЖАТЕЛЮ.

РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.



## **КОНДАК 8.**

СТРАННИК И ПРИШЛЕЦ БЫЛ ЕСИ НА ЗЕМЛИ, ЯКОЖЕ И  
ПРОЧИИ ЧЕЛОВЕЦЫ. ОБАЧЕ ИЗ ЧРЕВА МАТЕРЕ  
ВСЕВЕДУЩИЙ ВЕЛИКАГО УГОДНИКА И ЧУДОТВОРЦА  
ПОКАЗА ТЯ, СВАТИТЕЛЮ СПИРИДОНЕ: БЕСЫ БО  
ИЗГОНЯЕШИ, ВСЯКУЮ БОЛЕЗНЬ И ЯЗВУ ИСЦЕЛЯЕШИ,  
ПОМЫШЛЕНИЯ ЛЮДЕЙ ЗРИШИ, ТЕМЖЕ И ДИВЕН ВО  
СВЯТЫХ ПОКАЗАЛСЯ ЕСИ. МЫ ЖЕ, ВОЗСЫЛАЮЩЕ  
МОЛИТВУ КО БЛАГОДАТЕЛЮ ВСЕХ БОГУ, ВОПИЕМ ЕМУ:  
АЛЛИЛУИА.

## **ИКОС 8.**

ВЕСЬ МИР УЖАСОМ МНОГИМ СОДРОГНУСЯ, ЕГДА УСЛЫША,  
ЯКО СМЕРТЬ, ПО ГЛАСУ ТВОЕМУ, ВОЗВРАЩАЕТ ИЗ ГРОБОВ  
МЕРТВЕЦЫ СВОЯ, И ВОЗОПИ:

РАДУЙСЯ, УМЕРШУЮ ДЩЕРЬ СВОЮ, ДА ЯВИТ ВРУЧЕННОЕ  
ЕЙ СОКРОВИЩЕ, К ЖИЗНИ ВОЗЗВАВЫЙ;

РАДУЙСЯ, СКОРБНУЮ ВДОВИЦУ, НА СОХРАНЕНИЕ ЗЛАТО  
ВДАВШУЮ, УТЕШИВЫЙ.

РАДУЙСЯ, УМЕРШЕЕ ОТРОЧА ИЗ МЕРТВЫХ ВОСКРЕСИВЫЙ;  
РАДУЙСЯ, ЯКО МАТЕРЬ ЕГО, ВНЕЗАПНО ОТ РАДОСТИ  
УМЕРШУЮ, ОЖИВИВЫЙ.

РАДУЙСЯ, ЯКО УПОДОБИЛСЯ ЕСИ ИЛИЙ, МОЛИТВАМИ  
СЫНУ САРЕПТСКАЯ ЖЕНЫ ЖИЗНЬ ВОЗВРАТИВШЕМУ;  
РАДУЙСЯ, ЯКО И ЕЛИССЕЮ, ВОЗБУДИВШЕМУ ОТ СМЕРТИ  
ОТРОЧА, ПОДРАЖАЛ ЕСИ.

РАДУЙСЯ, ПАСТЫРЮ, ПРЕЙСКРЕННЕ ЛЮБЯЩИЙ  
ЧЕЛОВЕКИ;

РАДУЙСЯ, ЖЕНЕ БЛУДНИЦЕ, СЛЕЗАМИ НОЗЕ ТВОИ  
ОМЫВШЕЙ, ГРЕХИ ИМЕНЕМ БОГА ОТПУСТИВЫЙ.

РАДУЙСЯ, СВАТЮЮ РЕВНОСТЬ ВЕРХОВНАГО АПОСТОЛА  
СТЯЖАВЫЙ;

РАДУЙСЯ, ЯКО НЕРАСКАЯННАЯ ГРЕШНИЦА, ПО ГЛАГОЛУ  
ТВОЕМУ, В ТЯЖКИХ БОЛЕЗНЕХ УМРЕ.

РАДУЙСЯ, ЗЕМЛИ ПЛОДОНОСИЕ МОЛИТВАМИ ТВОИМИ  
ИСПРОСИВЫЙ; РАДУЙСЯ, НЕПРЕЛОЖНОЕ ВОСКРЕСЕНИЯ  
ЧЕЛОВЕКОВ УВЕРЕНИЕ.

РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

### **КОНДАК 9.**

ДУ́ХА БОЖЕ́СТВЕННАГО ОСИЯ́НЬМИ ОЗАРЕ́Н БЫ́Л ЕСИ́,  
СВЯТИ́ТЕЛЮ СПИРИДО́НЕ, ИМЕ́Л БО ЕСИ́ ДУ́ХА  
ПРЕМУ́ДРОСТИ, ЯКО МУ́ДРЫМИ СЛОВЕСЫ́ БЕЗУ́МНЫХ  
ОБУИ́Л ЕСИ́ И ПОСРЕДЕ́ ОТЦЕ́В ВЕ́РУ УТВЕРДИ́Л ЕСИ́; ДУ́ХА  
РА́ЗУМА, ЯКО УМЫ́ ОМРАЧЕ́ННЫЯ ОЗАРИ́Л ЕСИ́; ДУ́ХА  
СТРА́ХА БО́ЖИЯ, ЯКО ВЫ́НУ ДЕ́ЛАНИИ БОГОУГО́ДНЫМИ  
ДУ́ШУ ОЧИ́СТИЛ ЕСИ́. ТЕМ́ЖЕ, ПРЕДСТА́В ПРЕСТО́ЛУ  
ВЫ́ШНЯГО, С СО́НМОМ А́НГЕЛОВ ВОСПЕВА́ЕШИ ЕМУ́:  
АЛЛИЛУ́ИА.

### **ЎКОС 9.**

ЖЕ́ЗЛ ПА́СТЫРЯ СЛОВЕ́СНЫХ ОВЕ́Ц ОТ  
ПА́СТЫРЕНАЧА́ЛЬНИКА ГО́СПОДА ИИСУ́СА ПРИЕ́МЫЙ,  
СВЯТЫ́Й СПИРИДО́Н НЕ ПРЕМЕНИ́ ЖИТИЯ́ СВОЕГО́:  
НЕСТЯЖА́ТЕЛЕН, КРО́ТОК, ЛЮБВЕ́ РА́ДИ ВСЯ́ ТЕРПЯ́Й, НЕ  
ПОСТЫДЕ́СЯ ПЕШИ́СЯ И О СТА́ДЕ БЕЗСЛОВЕ́СНЫХ ОВЕ́Ц.  
ВСЯ́ СИЯ́ ВОЗБУЖДА́ЮТ НА́С СЛА́ВИТИ БО́ГА И ВЗЫВА́ТИ  
ТЕБЕ́:  
РА́ДУЙСЯ, СЛА́ВУ МИ́РА СЕГО́ ЯКО СУ́ЕТНУЮ ПРЕЗРЕ́ВЫЙ;  
РА́ДУЙСЯ, МЗДУ́ МНО́ГУ НА НЕБЕСЕ́Х СТЯЖА́ВЫЙ.  
РА́ДУЙСЯ, КРА́СНАЯ МИ́РА СЕГО́ В УМЕ́ТЫ ВМЕНИ́ВЫЙ;  
РА́ДУЙСЯ, СОСУ́ДЕ НЕБЕ́СНЫХ БЛА́Г.  
РА́ДУЙСЯ, СВЯТЕ́ЙШАЯ ПА́ЖИТЕ КИПРИО́ТОВ;  
РА́ДУЙСЯ, ЯКО ТЕБЕ́ РА́ДИ БО́Г ХИЩНИКОВ ОВЕ́Ц ТВОИ́Х  
НЕВИ́ДИМЫМИ У́ЗАМИ СВЯЗА́.  
РА́ДУЙСЯ, ТА́ТЕМ ОТЕ́ЧЕСКОЕ ВРАЗУМЛЕ́НИЕ  
ПРЕПОДА́ВЫЙ;  
РА́ДУЙСЯ, ПО МИЛОСЕ́РДИЮ ТВОЕ́МУ ЗА ПРОВЕДЕ́ННУЮ  
БЕЗ СНА́ НО́ЩЬ ОВНА́ ИМ ДАРОВА́ВЫЙ.  
РА́ДУЙСЯ, НЕПОСЛУША́НИЕМ КО́ЗЛИЩА, ЯКО БЫ РА́ЗУМ  
ИМУ́ЩАГО, КУПЦА́, УТАИ́ВШАГО ЦЕ́НУ ЕГО́, ОБЛИЧИ́ВЫЙ;  
РА́ДУЙСЯ, УТАИ́ВШАГО СРЕ́БРЕНИКИ ТВОЯ́ К ПОКАЯ́НИЮ  
ПРИВЕДЫ́Й.  
РА́ДУЙСЯ, ЯКО СТРА́СТИ КОРЫ́СТОЛЮ́БИЯ УВЕЩА́НИЕМ  
СВОИ́М ИСЦЕЛИ́Л ЕСИ́ ЕГО́.  
РА́ДУЙСЯ, СПИРИДО́НЕ, ПРЕДИ́ВНЫЙ ЧУДОТВО́РЧЕ.

## КОНДАК 10.

СПАСА́ЯЙ ДУ́ШИ ПА́СТВЫ, БО́ГОМ ТЕБЕ́ ВВЕ́РЕННЫЯ, ТЫ́,  
СВЯТ́ИТЕЛЮ СПИРИД́ОНЕ, ПРОИЗВОЛ́ЕНИЕМ БО́ЖИИМ,  
ЗВАН́ БЫЛ ЕСИ́ ЯВИ́ТИ СЛА́ВУ ТВОЮ́, ПА́ЧЕ ЖЕ СЛА́ВУ  
И́СТИННАГО БО́ГА, И В ИНЫ́Я СТРАНЫ́, ДА ВСЮ́ДУ СЛА́ВЯТ  
И́МЯ БО́ЖИЕ, ВОПИЮ́ЩЕ: АЛЛИЛУ́ИА.

## И́КОС 10.

СКО́РЫЙ ПОМО́ЩНИК И ЗАСТУ́ПНИК ВО ВСЯ́КИХ НУ́ЖДАХ  
И СКО́РБЕХ, СВЯТ́ЫЙ СПИРИД́ОН, ПО ПОВЕЛ́ЕНИЮ ЦАРЕ́ВУ,  
Я́КОЖЕ И ПРО́ЧИИ ПА́СТЫРИ, ПРИ́ИДЕ ВО ГРА́Д  
АНТИОХ́ИЮ, ИДЕ́ЖЕ БЕ́ ОДЕРЖ́ИМЫЙ БОЛ́ЕЗНИЮ ЦА́РЬ  
КОНСТА́НТИЙ;

СВЯТ́ИТЕЛЬ ГЛАВ́Ы ЕГО́ КОСНУ́СЯ И СОТВОРИ́ ЗДРА́ВА.  
СЕМУ́ ЧУДЕСИ́ ДИВЯ́ЩЕСЯ, ВОПИ́ЕМ ТИ́:

РА́ДУЙСЯ, ЕГО́ЖЕ В СО́ННОМ ВИДЕ́НИИ А́НГЕЛ, Я́КО  
ЦЕЛ́ИТЕЛЯ, ЯВИ́ ЦАРИ́Ю;

РА́ДУЙСЯ, БОЖ́ЕСТВЕННЫЯ РА́ДИ ЛЮБВЕ́ ТРУ́ДНЫЙ ПУ́ТЬ В  
СТА́РОСТИ ВОСПРИЯ́ВЫЙ.

РА́ДУЙСЯ, ЦАРЕ́ВУ РАБУ́, УДА́РИВШЕМУ ТЯ́ В ЛАНИ́ТУ, ПО  
ЗА́ПОВЕДИ СПАСИ́ТЕЛЯ, ДРУЃУЮ ПОДСТА́ВИВЫЙ;

РА́ДУЙСЯ, СТА́ЛПЕ СМИРЕ́НИЯ.

РА́ДУЙСЯ, МОЛ́ИТВАМИ СВОИ́МИ СЛЕ́ЗНО ПРОСЯ́ЩЕМУ  
ЦАРИ́Ю ЗДРА́ВИЕ ДАРОВА́ВЫЙ;

РА́ДУЙСЯ, Я́КО УНИЧИЖ́ЕНИЕМ СВОИ́М РАБА́ ВРАЗУМ́ИЛ  
ЕСИ́ И НЕМИ́ЛОСТИВЫЙ НРА́В ЕГО́ ПРЕМЕНИ́Л ЕСИ́.

РА́ДУЙСЯ, Я́КО БЛАГОЧ́ЕСТИЮ И МИЛОС́ЕРДИЮ ЦА́РЯ  
НАУЧИ́Л ЕСИ́;

РА́ДУЙСЯ, Я́КО, НЕНАВИ́ДЯЙ ЗЕМНА́Я СОКРО́ВИЩА, ЗЛА́ТО  
ЦА́РЯ ОТВ́ЕРГЛ ЕСИ́.

РА́ДУЙСЯ, Я́КО УЧЕНИКА́ СВОЕГО́ ТРИФ́ИЛЛИА ОТ  
ПРИСТРА́СТИЯ К ЗЕМНЫ́М БЛА́ГАМ ОТВРА́ТИЛ ЕСИ́ И  
СОСУ́ДОМ БЛАГОДА́ТИ БО́ЖИЯ СОДЕ́ЛАЛ ЕСИ́;

РА́ДУЙСЯ, Я́КО ПРИШ́ЕДШУ ТЕБЕ́ В АЛЕКСАНДРИ́Ю, И́ДОЛИ  
ПАДО́ША.

РА́ДУЙСЯ, ЕМУ́ЖЕ И БЕ́СИ ПОВИНУ́ЮТСЯ; РА́ДУЙСЯ, Я́КО  
ОТ ИДОЛОСЛУЖ́ЕНИЯ МНО́ГИХ ОТВРА́ТИЛ ЕСИ́.

РА́ДУЙСЯ, СПИРИД́ОНЕ, ПРЕДИ́ВНЫЙ ЧУДОТВО́РЧЕ.

## КОНДАК 11.

ПѢНИЕ АНГЕЛЬСКОЕ БЫСТЬ, ЕГДА ВО ХРАМЕ ПРИНОСИЛ  
ЕСИ, СВАТИТЕЛЮ СПИРИДОНЕ, ВЕЧЕРНЯ МОЛИТВЫ  
ТВОЯ, И НЕ БЕША СОСЛУЖАЩИИ ТЕБЕ. ЖИТЕЛИЕ ЖЕ  
ГРАДА, ДИВНОЕ ПЕНИЕ СЛЫШАВШЕ, ВНИДОША В ХРАМ И,  
НИКОГОЖЕ ВИДЕВШЕ, С ГОРНИМИ СИЛАМИ ВОСПЕВАХУ:  
АЛЛИЛУИА.

## ИКОС 11.

СВЕТОЗАРНОЕ СОЛНЦЕ МИРОВИ, СОБЕСЕДНИК АНГЕЛОВ  
БЫЛ ЕСИ НА ЗЕМЛИ, СВАТИТЕЛЮ СПИРИДОНЕ;  
ПРЕДАВ ЖЕ ДУХ ТВОЙ В РУЦЕ БОЖИИ, ПРЕСЕЛИЛСЯ ЕСИ В  
ГОРНЯЯ СЕЛЕНИЯ, МОЛЯСЯ ЗА МИР ПРЕД ПРЕСТОЛОМ  
ВЛАДЫКИ.

МЫ ЖЕ, ЖИВУЩИИ НА ЗЕМЛИ, ВОПИЕМ ТИ:  
РАДУЙСЯ, ЯКО ТЕБЕ, ЕЩЕ ЖИВУ СУЩУ, СОСЛУЖАХУ  
АНГЕЛИ;  
РАДУЙСЯ, ПСАЛМОПЕНИЕ АРХАНГЕЛОВ СЛЫШАВЫЙ.  
РАДУЙСЯ, ВИДИМЫЙ ОБРАЗЕ НАШЕГО ПРЕОБРАЖЕНИЯ;  
РАДУЙСЯ, ЯКО НЕДОСТАВШУ ЕЛЕЮ В ХРАМЕ БОГ ТЕБЕ  
РАДИ С ИЗБЫТКОМ ЛАМПАДЫ НАПОЛНИ ТЕМ.  
РАДУЙСЯ, ЛАМПАДО БОЖЕСТВЕННОГО СИЯНИЯ;  
РАДУЙСЯ, СОСУДЕ БЛАГОДАТИ БОЖИЕЙ, ОБИЛЬНО,  
ПОДОБНЕ ЕЛЕЮ, НАПОЛНЯЮЩЕЙ ДУШУ ТВОЮ.  
РАДУЙСЯ, НЕИЗСЯКАЕМЫЙ ИСТОЧНИЧЕ, ПРИСНО  
ИСТОЧАЮЩИЙ ВСЕМ ТОКИ БЛАГОДАТИ;  
РАДУЙСЯ, О НЕМЖЕ ИЗУМЛЯЮТСЯ АНГЕЛИ.  
РАДУЙСЯ, ПРЕСЛУШАНИЕ ДИАКОНА В ХРАМЕ НАКАЗАВЫЙ;  
РАДУЙСЯ, ТЩЕСЛАВИВШАГОСЯ СВОИМ ГЛАСОМ, И ГЛАСА И  
ЯЗЫКА ЛИШИВЫЙ.  
РАДУЙСЯ, ЯКО, ВО ВРЕМЯ ЗНОЯ, ВНЕЗАПУ РОСА,  
СНИЗШЕДШАЯ СВЫШЕ, СВАЩЕННУЮ ТВОЮ ГЛАВУ  
ПРОХЛАДИ;  
РАДУЙСЯ, В ЗНАМЕНИИ СЕМ БЛИЗОСТЬ ПРЕСТАВЛЕНИЯ  
СВОЕГО ПРОВИДЕВЫЙ.  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

## КОНДАК 12.

ПОКРÓВ И ПРИБÉЖИЩЕ БЫ́ВЫЙ ВСЁМ К ТЕБЁ  
ПРИТЕКА́ЮЩИМ ВЁРНЫМ ЕЩЁ В ЖИТИИ ТВОЁМ, ТЫ,  
СВЯТИ́ТЕЛЮ, НЕ ОСТА́ВИЛ ЕСИ́ НАС СИ́РЫХ И ПО ТВОЁМ  
УСПÉНИИ; БО́Г, ПОБЕЖДА́ЮЩИЙ ЕСТЕСТВА́ ЧИН, СОХРАНИ́  
СВЯТЫ́Я МО́ЩИ ТВОЯ́ НЕТЛЁННЫМИ ВО УКРЕПЛЁНИЕ  
ПРАВОСЛА́ВНЫЯ ВЁРЫ И БЛАГОЧЁСТИЯ, В ЗНА́МЕНИЕ  
БЕЗСМЁРТИЯ, ЕГÓЖЕ ПРОСЛАВЛЯ́ЮЩЕ, ВОПИ́ЕМ:  
АЛЛИЛУ́ИА.

## ЎКОС 12.

ВОСПЕВА́ЕМ ТЯ́, СВЯТИ́ТЕЛЮ БО́ЖИИ, Я́КО УДИВИ́Л ЕСИ́  
МИ́Р ЧУДЕСЫ́, ИСТЕКА́ЮЩИМИ ОТ СВЯТЫ́Х МОЩЁЙ  
ТВОИ́Х.  
ВСИ́ БО С ВЁРОЮ ПРИХОДЯ́ЩИИ И ЛОБЫЗА́ЮЩИИ ЁХ  
ПОЛУЧА́ЮТ ВСЯ́ БЛАГОПОТРЕ́БНАЯ ПРОСИ́МАЯ. И МЫ́,  
ДА́ВШАГО ТЕБЁ́ КРЕ́ПОСТЬ, ВЕНЧА́ВШАГО ТЯ́ ВЕНЦЁМ  
НЕТЛЁНИЯ́ И ДЁЙСТВУЮЩАГО ТОБО́Ю БО́ГА  
ПРОСЛАВЛЯ́ЮЩЕ, ВОПИ́ЕМ ТИ́:  
РА́ДУЙСЯ, ВО ВРЕ́МЯ ГЛА́ДА КОРАБЁЛЬНИКОМ ЯВИ́ВЫЙСЯ И  
ПИ́ЩУ ДОСТА́ВИТИ ПОВЕЛЁВЫИ;  
РА́ДУЙСЯ, СЛЕПЫ́М, С ВЁРОЮ ПРИТЕ́КШИМ К СВЯТЫ́М  
МОЩЁМ ТВОИ́М, ЗРЁНИЕ ДАРОВА́ВЫИ.  
РА́ДУЙСЯ, ОТ НЕИСЦЕ́ЛЬНЫЯ БОЛЁЗНИ О́ТРОКА  
ИСЦЕЛИ́ВЫИ;  
РА́ДУЙСЯ, БЕ́СА ИЗ ЖЕНЫ́ ИЗГНА́ВЫИ И ЗДРА́ВУ Ю́  
СОТВОРИ́ВЫИ.  
РА́ДУЙСЯ, ВОЗБРА́ННЫЙ ВОЕВО́ДО КЕРКИ́РЫ;  
РА́ДУЙСЯ, Я́КО ПО́ЛЧИЩА ЗЛОЧЕСТИ́ВЫХ АГА́РЯН ИЗГНА́Л  
ЕСИ́ И КОРАБЛИ́ ЁХ В ПУЧИ́НЕ ПОТОПИ́Л ЕСИ́.  
РА́ДУЙСЯ, ЕГÓЖЕ ВИ́ДЕША ОКРУЖЁ́ННАГО СО́НМОМ  
А́НГЕЛОВ, В ДЕСНИ́ЦЕ МЁ́Ч ДЕРЖА́ВША И В ТРЕ́ПЕТ ВРАГО́В  
ПРИВЕ́ДША;  
РА́ДУЙСЯ, СОЗДА́ТИ СЕБЁ́ ХРА́М, ВО Ё́ЖЕ СОВЕРША́ТИ В  
НЁ́М ЛИТУРГИ́Ю НА ПРЁСНОМ ХЛЁ́БЕ, ВОЕВО́ДЕ  
ВОЗБРАНИ́ВЫИ.

РАДУЙСЯ, ВОЕВОДУ ЛАТИНСКАГО ЛЮТОЮ СМЕРТИЮ  
ПОРАЗЫВЫЙ;  
РАДУЙСЯ, МОЛНИЕЮ ИЗОБРАЖЕНИЕ ЕГО В ДОМЕ В  
ВЕНЕЦИИ СОЖЕГШИЙ.  
РАДУЙСЯ, ОТСТУПЛЬСТВА И ЛЖЕМУДРОВАНИЯ ЗАПАДА  
ПОСРАМИВЫЙ;  
РАДУЙСЯ, ЕДИНУЮ ПРАВОСЛАВНУЮ ВЕРУ БЫТИ  
ИСТИННУЮ И СПАСИТЕЛЬНУЮ ДЛЯ ЧЕЛОВЕКОВ  
УТВЕРДИВЫЙ.  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

### **КОНДАК 13.**

О ПРЕЧУДНЫЙ СЯТИТЕЛЮ ХРИСТОВ, ОТЧЕ СПИРИДОНЕ!  
НБНШНЕЕ НАШЕ МОЛЕНИЕ ПРИЕМ, ИЗБАВИ НАС ОТ ВСЕХ  
БЕД И НАПАСТЕЙ, УКРЕПИ НА ВРАГИ СТРАНУ НАШУ, ДАРУЙ  
НАМ ОСТАВЛЕНИЕ ПРЕГРЕШЕНИЙ И ИЗМИ ОТ ВЕЧНЫЯ  
СМЕРТИ ВСЕХ ВОПИЮЩИХ О ТЕБЕ К БОГУ: АЛЛИЛУИА.

ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й И  
КОНДАК 1-Й.


### **ИКОС 1.**

ОТ ЮНОСТИ УКРАШЕННЫЙ ВСЕМИ ДОБРОДЕТЕЛЬМИ,  
ЖИТИЕМ СВОИМ АНГЕЛОМ ПОДРАЖАВЫЙ, ТЫ,  
СЯТИТЕЛЮ СПИРИДОНЕ, ВОИСТИННУ ПОКАЗАЛСЯ ЕСИ  
ДРУГ ХРИСТОВ;  
МЫ ЖЕ, ЗРЯЩЕ ТЯ, НЕБЕСНАГО ЧЕЛОВЕКА И ЗЕМНАГО  
АНГЕЛА, СО БЛАГОГОВЕНИЕМ УМИЛЬНО ВОПИЕМ ТИ:  
РАДУЙСЯ, УМЕ, СОЗЕРЦАЯ ТАЙНЫ ПРЕСВЯТЫЯ ТРОИЦЫ;  
РАДУЙСЯ, ОБОГАТИВЫИСЯ ДУХА ПРЕСВЕТЛЫМ  
ОСИЯНИЕМ.  
РАДУЙСЯ, СВЕТИЛЬНИЧЕ МНОГОСВЕТЛЫЙ;  
РАДУЙСЯ, УМ ТВОЙ БЕЗСТРАСТИЕМ ПРОСВЕТИВЫЙ.  
РАДУЙСЯ, ИЗМЛАДА ИСТИННУЮ ПРОСТОТУ И БЕЗМОЛВИЕ  
ВОЗЛЮБИВЫЙ;  
РАДУЙСЯ, УКРАШЕНИЕ ЦЕЛОМУДРИЯ.  
РАДУЙСЯ, ЛЮБВЕ НЕИСТОЩИМАЯ СТРУЯ;  
РАДУЙСЯ, ЯКО СТРАННОЛЮБИЮ АВРААМА ПОДРАЖАЛ ЕСИ.

РАДУЙСЯ, ЯКО ВСЁМ ЛЮБВЕОБИЛЬНО ВХОДЫ ДОМА  
СВОЕГО ОТВЕРЗАЛ ЕСИ;  
РАДУЙСЯ, НИЩИХ ПРЕДСТАТЕЛЮ.  
РАДУЙСЯ, ПРЕД НИМЖЕ БЛАГОГОВЕЮТ ЛЮДИЕ; РАДУЙСЯ,  
ЯКО ТЫ ЕСИ ОБИТАЛИЩЕ ПРЕСВЯТАГО ДУХА.  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.

### **КОНДАК 1.**

ПРЕПРОСЛАВЛЕННЫЙ ОТ ГОСПОДА СВЯТИТЕЛЮ И  
ЧУДОТВОРЧЕ СПИРИДОНЕ! НЫНЕ ВСЕЧЕСТНУЮ ПАМЯТЬ  
ТВОЮ ПРАЗДНУЮЩЕ, ЯКО МНОГО МОГУЩЕМУ  
СПОСПЕШЕСТВОВАТИ НАМ О ПРОСЛАВЛЫШЕМ ТЯ ХРИСТЕ,  
УМИЛЬНО ВОПИЕМ ТИ: ИЗБАВИ НАС ОТ ВСЯКИХ БЕД И  
ЗОЛ, ДА С БЛАГОДАРЕНИЕМ ЗОВЕМ ТИ:  
РАДУЙСЯ, СПИРИДОНЕ, ПРЕДИВНЫЙ ЧУДОТВОРЧЕ.



**ИКОНА СВ. СПИРИДОНА ТРИМИФУНТСКОГО**